

Wia's im Hirigst see muiß

De Weeba san g'les'n,
d'Bla'l'n floig'n scho im Wind.
Im Kölla geht's schnö:
Most – Sturm – Stauwiga – Wee.
Im Hirigst muiß des so see.

D' Kukuruzstau'n wer'n scho dirr,
d'Koib'm san reif und a schwa.
Wonn truckane Täg' san,
fohrt da Mähdrescha dree.
Im Hirigst muiß des so see.

D'Nuss foi'n owa vom Bam,
oda d'Leit boiss'n's o.
Aus'n Hewö in d'Sunn' g'legt,
bis's trucka san schee.
Im Hirigst muiß's des so see.

A i geh' z'somm' und wir foitrat,
und meene Hoor san schneeweiß.
's Hirn volosst mi oft a scho,
monixmoi sogor d'Fiaß.
Dass mee Leb'm so schnö vorennt is,
ko i gor net vosteh.
Wird's Hirigst im Leb'm
muiß's woi g'rod a so see.

Oktober 2023